

閩

詩

錄

閩詩錄丙集目錄

卷一

楊徽之

潘慎修

黃夷簡

龔穎

阮思道

陳靖

李虛已

劉昌言

徐昌圖

陳文顯

鄭文寶

李巽

楊億

錢熙

陳世卿

吳簡言

陳從易

黃震

曾會

黃宗旦

李慶孫

方慎言

章得象

翁緯

黃覺

江任

曹修古

曹修睦

章旼

林緒

黃鑑

劉夔

徐陟

蘇紳

林垌

卷二

謝伯初

黃孝先

呂造

宋咸

張沃

詹先野

張式

阮逸

吳育

趙誠

蔡襄

劉昇

熊知至

黃亢

蔡高

柳永

鄭伯玉

張謨

卓祐之

吳秘

林嗣復

湛俞

吳世延

吳充

薛利和

蘇緘

崔黃臣

卷三

徐復

鄭蒨

陳襄

陳洙

呂夏卿

陳叔度

劉彝

楊備

葉棐恭

黃非熊

陳闡

黃嘿

連希元

吳申

林俛

翁邁

黃中庸

方子容

鄭叔明

吳處厚

陳傳

章望之

張伯玉

祖世英

鄭少連

黃履

呂惠卿

王回

林旦

黃通

章惇

蔡確

王伯虎

莊公岳

陳烈

蔡準

章友直

李古

黃伸

陳陸

蔡瑗

許將

陳軒

練定

李詳

蕭竝

崔唐臣

卷四

練愷

李亨伯

鄭俠

章棗

傅楫

吳黯

朱紱

陳毅

陳祥道

方演

黃君俞

謝調

王祖道

蔡京

蔡卞

胡璞

陳植

林伯材

朱敏功

葉棣

徐大方

周諝

曾咬

吳棫

陳師錫

鄭安道

范鏜

林誥

林嗣宗

林安道

夏臻

方通

吳干

陳次升

林迴

陳易

徐鐸

陳覺民

林豫

楊時

李深

黃革

林槩

陳偁

卷五

陳瓘

施常

唐最

陳倩

鄭至道

張覲

黃裳

吳興

翁績

余深

孫大廉

黃奕

王藻

鄭永中

鄭穆

上官均

游酢

鄭叔僑

陳律

許敦仁

黃伯厚

朱蒙正

許穀

章衡

張勵

陳升之

李處訥

何去非

范致虛

羅畸

傅求

方叔震

楊拙

徐大正

陳備

鄭道



林邵

李才甫

劉翰

陳暘

湛執中

林迪

胡安國

倪昱

林慮

范致沖

陳與京

溫益

陳之邵

林沖之

陳朝老

張勸

陳城

卷六

蔡佃

王華

林震

鄭南

彭路

廖剛

方惟深

林伯顯

儲惇敘

吳偉明

林煥

劉濤

徐適

江贊

鄧春卿

江常

黃薦可

王寘

何遠

何慈

徐師仁

黃泳

李彌遜

鄭庭芬

余光庭

謝安時

張軹

方維

李綱

翁彥約

黃覲

余闢

林侍晨

楊友

邵知柔

蔡樞

葉廷珪

翁采

翁挺

方廷實

張憲武

王亢

鄭庭芳

鄭穀

鄭鬲

陳興宗

吳元美

胡寅

鄭測

黃彥輝

張致遠

陳勗

李士美

黃燁

王晞韓

鄭強

陸藻

蘇欽

黃祖舜

李經

陳純

卷七

鄧肅

潘中

林若淵

祖秀寶

羅從彥

熊蕃

章絳

陳宗古

鄧柞

陳剛中

詹愷

陳豐

劉政

陳貫道

謝黼

王晞鴻

高登

吳球

陳中

范彥輝

張牧

鄭厚

湯莘叟

陳淵

陳良翰

彭奭

鄭樵

黃公度

方翥

陳俊卿

龔茂良

陳長方

胡憲

胡宏

陳曦

卷八

謝天民

鄭將

徐壽仁

黃端

薛珩

張元幹

熊克

李侗

李彌正

李茂之

劉韞

劉子翬

劉子羽

鄭裕

楊邦弼

王悅

李則

陳賓

葉茲

留正

劉珙

陳知柔

鄭耕老

葉儀鳳

鄭丙

林仰

楊汝南

黃徹

朱子

卷九

黃本仁

陳光

蔣雛

曾慥

方豐之

章淵

蕭德藻

陳景肅

黃芻

林桷

宋翔

林之奇

廖挺

余鳳

魏吉甫

柯岳

黃維之

李明

趙善俊

黃榆

黃瑀

謝洪

梁克家

林外

黃銖

陳元老

陳翔

方希覺

張登

黃朴

顏師魯

牟孔錫

鄭暉老

傅汶

陳讜

林光朝

傅伯壽

傅伯成

袁樞

袁說友

楊方

張體仁

章澥

黃適

劉天麟

詹羽

張維

陳璉

卷十

蔡勘

曾懷

俞豐

蕭國梁

黃鵬舉

林宗臣

林象

鄭僑

黃景說

許巽

王揆

黃艾

陳士楚

劉燾

歐陽光祖

廖德明

林淳

方信孺

方士繇

林亦之

魏几

鄭鑑

林夢英

翁華

陳經

宋煜

陳允升

劉褒

陳燧

陳宋輔



熊以甯

鄧林

孫汝勉

傅誠

彭九萬

趙庚

劉渠

傅誠

陳楠老

石應孫

周牧

廖行之

徐夢發

陳紀

陳直卿

張斗南

劉季裴

王亘

游次公

李安期

王佐才

游開

周明作

陳子常

趙希融

陳嘉言

卷十一

康鼎成

陳機

黃瑄

黃治

林伯春

余復

林岳

張本中

徐璣

袁聘儒

趙必漣

趙必曄

鄒應龍

姚東

趙彥假

連三益

黃夢攸

邱和

葉發

龔日章

詹師文

李呂

真德秀

敖陶孫

曾從龍

蘇大璋

鄭域

林鰲

鄭鄭夢

高頤

黃圭

倪翼

張衡

張天翼

葉紹翁

林拱中

彭巖肖

卷十二

林仲虎

陳映

阮文卿

陳俞

陳褒

張安修

丁伯桂

喻峙

黃順之

陳垓

羅知古

陳韓

曾治鳳

李仲光

卓田

游九言

林伯成

柯夢得

鄭性之

徐範

楊志

劉用行

鄒恕

許應龍

上官渙西

劉克莊

劉克遜

鄭可學

王大烈

黃子信

張礪

李華

李韶

徐清叟

王伯大

李方子

徐榮叟

劉崇卿

李遇

林夔孫

陳範

卷十三

黃幹

陳有聲

陳宓

陳壘

莊夢說

許伯翊

王邁

方左鉞

方元吉

趙庚夫

趙以夫

李訖

留元剛

王益祥

林觀過

趙時煥

上官彥宗

王子申

陳珏

鄭江

戴翼

王胄

王九萬

林干之

黃伯固

陳應龍

陳藻

何鎬

彭止

彭俱

陳淳

蔡元定

蔡淵

蔡沈

章才邵

劉子寰

楊與立

林用中

余良弼

章康

劉淮

劉學箕

馮取洽

嚴羽

嚴仁

嚴參

嚴肅

嚴粲

吳錡

卷十四

翁定

翁甫

林洪

鄭棗

徐集孫

姚望之

鄭宅心

陳鑄

顏頤仲

鄭有年

王鐸

江鉢

蔡抗

陳松龍

繆蟾

游清夫

葉明

鄭思忱

陳夢庚

朱繼芳

張至龍

林希逸

韓伯修

黃履翁

林經德

楊諄

劉煒叔

鄭寅

陳均

游九功

吳叔告

李丑父

潘牂

陳容

莊師熊

劉卞

鄭士懿

嚴嘉謀

朱復之

方審權

林興宗

鄭玠

馮夢得

常挺

繆烈

翁合

卷十五

陳武子

吳勢卿

謝遠

盧鉞

陳合

陳鑒之

方蒙仲

袁立儒

陳應斗

章孝參

陳必復

林尙仁

張鎮

劉燧叔

危昭德

黃巖孫

鄭會龍

王洧



吳明老

黃今是

陳羽

眞山民

翁泳

徐幾

詹復

李賈

楊梓

劉翼

方景綯

張仲節

鄭震

林桂龍

陳以莊

黃珩

魏慶之

余謙一

黃公紹

阮秀實

洪德章

陳文龍

方公權

柯應東

范師孔

鄭德曹

李瓘

董師謙

倪文一

林霆龍

黃仲元

鄭鉞

熊銖

趙若楸

劉應季

卷十六

鄭思肖

謝翱

詹本

詹琰夫

林同

高鎔

翁汝止

安璽

江梅

彭可軒

翁賜坡

彭九成

李次淵

魏梅我

范雲山

陳嘉言

馬子嚴

黃鵬飛

張子厚

柯舉

林昉

廖衡

林衢

魏天應

陳達翁

黃蛾

陳公榮

陳宗傳

蕭炎

張建

張清子

安實

邱葵

蔣粹翁

劉濟

詹琦

陳自新

袁謙

曾由基

高照

徐壽朋

翁孟寅

陳璣

潘用中

楊良臣

林嘉仲

戴忱

趙永嘉

閩清野人

卷十七

閨閣

謝希孟

黃淑

連倩女

暨氏

卷十八

道士

黃希旦

馮觀國

卷十九

釋子

省澄

法周

法輝

惟慎

有需

了樸

谷泉

藏叟

卷二十

妓女

周氏

卷二十一

藩屬

陳日照

卷二十二

卜仙神鬼夢怪

徐仙

方武襄

福州社神

夢中宮女

蔡京鶉怪

卷二十三

雜語謠識

蔡襄陳亞謔語

章簪李士甯對語

永福古識

羅源民謠

閩詩錄丙集卷一

侯官鄭杰原龍

侯官陳衍補訂

楊徽之

徽之字仲猷浦城人南唐時閒道至汴中周  
顯德二年進士入宋詔編文苑英華官至禮  
部侍郎翰林侍讀學士卒贈兵部尙書有集  
禁林讌會之什

星移歲律應青陽得奉羣英集玉堂龍鳳雙飛觀御  
札雲霞五色詠天章禁林漸覺清風暖仙界元知白

日長詔出紫泥封去潤朝迴蓮燭賜來香二篇稱獎  
恩尤重萬國傳聞道更光何幸微才逢盛事願因史  
冊紀餘芳

翰苑羣書

漢陽晚泊

傍橋吟望漢陽城山徧樓臺徹上層犬吠竹籬沽酒  
客鶴隨苔岸洗衣僧疎鐘未徹聞寒漏斜月初沈見  
遠燈夜靜鄰船間行計曉帆相與向巴陵

寒食寄鄭起侍郎

清明時節出郊原寂寂山城柳暝門水隔淡煙修竹  
寺路經疎雨落花村天寒酒薄難成醉地迴樓高易

斷魂回首故山千里外別離心緒向誰言

贈譚先生

古觀重重遶翠微杉松深處掩雙扉雲生萬壑投龍  
去海隔三山放鶴歸花洞宴遊春日永石壇朝禮曙  
星稀每聽高論長生理擬向塵中便拂衣

以上瀛奎  
律髓

袁州作

俗遇臘辰持藥獻更逢荷月隔花參耆宿因來問封  
部竹籬西畔是雲南

方輿勝覽

句

戍樓煙似直戰地雨長腥

塞上

廢宅寒塘水荒墳宿草



煙哭江春歸萬年樹月滿九重城元偶題崑石雲生

筆閑遶庭松露濕衣僧新霜染楓葉皓月借蘆花江

舟行青帝已教春不老素娥何惜月長圓浮花水入瞿

塘峽帶雨雲歸越雋州嘉陽開盡菊花秋色老落殘

桐葉雨聲寒宿東杳杳香蕪何處盡搖搖風柳不勝

垂春望俱見稗史類編

案澠水燕談云楊侍讀徽之太宗聞其詩名  
索所著得數百篇奏御仍獻詩以謝卒章曰  
十年牢落今何幸叨遇君王問姓名上和之  
以詩謂宰臣曰真儒雅之士操履無玷選集  
中十聯寫于御屏梁周翰詩曰誰似金華楊  
學士十聯詩在御屏風今止錄八聯其兩聯  
一為漢陽晚泊第二聯一為寒食寄鄭起侍  
郎第三聯其杳杳香蕪一聯不在十聯內也

古今詩話云僧文瑩云必以天池皓露滌筆  
於冰甌雪碗中方與楊公此詩神骨相副

### 潘慎修

慎修字德成莆田人仕南唐爲秘書省正字  
歸宋官至翰林侍讀學士

### 禁林讌會之什

紅藥深巖肅廣筵嘉招仍許廁羣仙忽窺宸翰雲龍  
動乍揭天辭日月懸散作楷模珍寶惜永刊金石共  
流傳况當枚馬從容地仍集班楊侍從賢敢竊休明  
爲盛觀願陳風詠播薰弦不辭勝引承歡醉長洽昇  
平億萬年

翰苑羣書

句

如今縱得仙翁術也怯君王四路饒

楊文公談苑云太宗棋品第一待詔有賈元者臻于絕格時人以爲王積薪之比元嗜酒病死楊希粲蔣元吉李應昌朱懷辟皆國手然非元之敵晚有李仲元棋絕勝可侔于元歲餘亦卒朝士有蔣居中潘愼修亦善棋至三品內士陳好元四品多得侍棋自元而下皆受三道愼修受四道好元受五道愼修獻詩云云

黃夷簡

夷簡字明舉福州人少仕吳越爲明州判官歸宋官至都官郎中召試翰林知制誥檢校

秘書監

吳越備史補遺云開寶二年九月忠懿王遣  
元帥府掌書記黃夷簡入貢太祖謂夷簡曰  
汝歸語元帥當訓練甲兵江南倔強不朝我  
將討之元帥當助我無信人言唇亡齒寒王  
密表謝且請師期

句

宿雨一番蔬甲嫩春山幾焙茗旗香

山居清話

見玉壺

龔 穎

穎字同秀邵武人仕南唐爲內史後歸宋爲

殿中侍御史

次韻贈丁謂之

膽怯何由戴鐵冠祗緣昭代獎孤寒曲肱未遂違前

志直指無聞是曠官三署每傳朝客說五溪閑凭郡樓看祝君早得文場雋况值天堦正舞干

青箱雜記云顓自負文學少許人談論多所折難太宗朝知朗州士罕造其門獨丁謂贊文求見顓倒履延迂酬對終日以至忘食曰自唐韓柳後今得子矣異日丁獻詩于顓顓次韵和酬

阮思道

補

思道字思恭建陽人中南唐進士入宋爲史館檢討厯守韶衛永三州

送崇教大師回天台

碧雲高價徹天涯珪璧清無一點瑕雙闕再承新雨

露三吳重賞舊煙霞水軒散味朝賢句松院分嘗御  
府茶聞說赤城終未見畫圖何日寄京華

天台續集

陳靖

靖字道卿莆田人開寶中授陽翟主簿官至  
京西京東轉運使知泉蘇越三州以秘書監  
致仕宋史有傳

蘭陔詩話云公平生多所建畫尤詳農事著有經國集今已不傳故居在郡城內橄欖巷今猶稱陳宅廡有公題燕詩

題燕

秋去春來不倦遙流鶯相伴語交交兒孫各自

案一作伴

飛鳴去猶揀新泥補舊巢

案見蒲田縣志

句補

玉堂視草思嚴助鈴閣談經滯馬融

輿地紀勝

李虛已

補

虛已字公受建安人太平興國二年進士累

官知遂州終工部侍郎與壻晏殊唱酬有雅

正集

羅願新安志云真宗喜談經命馮元橫易謂  
日朕不欲煩近臣久立欲選純孝之士數人  
止如同人便裘頂帽講經並坐暇則薦茗果  
盡笑論削去進說之儀遇疲則罷元薦查道  
及李虛已李行簡三人虛已母喪明醫者曰  
浮翳泊眼能舌舐千日者可勿藥自愈虛已

祇之二年遂復明

困學紀聞云虛已初與曾致堯倡酬致堯謂  
日子之詩雖工而音韻猶啞虛已初未悟既  
而得沈休文所謂前有浮聲後須切響遂精  
于格律

次韻和內翰楊大年見寄

黿冠三峰碧海寬雲謠初下靄芝蘭採珠宮裏驪龍  
睡織錦機中彩鳳盤藥砌蒼苔錢作點粉牆修竹玉  
爲竿閑從莊蝶親鳬鳥曾得安期九轉丹

次韻和汝南秀才遊淨土見寄

長松繫馬放吟鞭水殿沈檀一樹煙苔破閑堦幽鳥  
立草芳深院老僧眠桃花欲放條風後茶蕊新供穀



雨前衰會賞詩多狎客我無歧路近神仙以上瀛奎律髓

送何水部蒙出牧袁州

宜川三月水東流秀出江南二十州紅旆使君今日

去白衣舉子昔年遊宜春乃公舊遊海潮賦就藏書府廬肇進賦

宣付史館競渡詩成在郡樓國史待修循吏傳早飛聲政

達凝旒袁州府志

劉昌言補

昌言字禹謨泉州南安人少王文詞節度陳

洪進辟功曹參軍偕洪進歸宋舉太平興國

八年進士官至同知樞密院事工部侍郎卒

贈工部尙書

上呂相公

蒙正

重名清望徧華夷恐是神仙不可知一舉首登龍虎  
榜十年身到鳳凰池廟堂只是無言者門館常如未  
貴時除去洛京居守外聖朝賢相復書誰

瀛奎律髓

句

惟有夜來蝴蝶夢翩翩飛入刺桐花

下第 歷代吟譜

唐宋遺史云昌言下第詩云云王元之贈詩  
曰酒好未陪紅杏宴詩狂多憶刺桐花謂此

徐昌圖

補

昌圖莆田人與兄昌嗣並有才名陳洪進歸

宋令昌圖奉表入汴命爲殿中丞

春曉曲

沈檀煙起盤紅霧一箭霜風吹繡戶漢宮花面學梅  
妝謝女雪詩裁柳絮長垂夾幕孤鸞舞旋炙銀笙雙  
鳳語紅窗酒病嚼寒冰冰損相思無夢處

陳文顯

補

文顯洪進之子初爲泉州衙內都指揮使俄  
權知漳州洪進朝宋以納土功遷康州刺史  
改衡州代還以老疾致仕卒

喜宣義大師英公相訪

三事天衣兩字師長安風月更誰知閑騎劣馬尋碑  
去醉卧荒廬出寺遲辭瞻不容誇犬子興闌兼許吐  
魚兒左馮假道來看我正值嚴冬大雪時

鄭文寶

文寶字仲賢寧化人仕南唐校書郎入宋太  
平興國八年舉進士厯官陝西轉運使兵部  
員外郎有集二十卷譚苑二十卷皆軼弗傳  
惟存南唐近事江表志二書

東都事略云文寶以詩名家多警句善篆工  
琴

案十國春秋云歸宋後詔故臣皆許錄川獨  
文寶不肯言仕後主奉朝請禁絕賓謁文寶

乃披簑荷笠作賣魚者以見寬譬久之後主  
爲之感歎後主卒乃仕工詩其過緱山及題  
綠野堂爲晏殊歐陽修所膾炙

送曹緯劉鼎二秀才

宋文鑑

旦夕春風老離心共黯然小舟聞笛夜微雨養花天  
手筆人皆有曹劉世所賢郝侯重才子從此看鶯遷

案寒夜錄云律詩多佳句惜其全集不傳送  
枝江秦長官云官嫌容易達家愛等閒貧送  
曹緯云云不減王維杜甫

靈泉觀

潺湲如繚嶺雲陰玉石魚龍換古今只見開元無事  
久不知貞觀用功深籠無解語衣無雪堆有黃沙粟

有金惆悵胡雛負恩澤始知夷甫少經心

詩話總龜云臨潼縣靈泉觀唐華清宮也自唐迄今題咏不可紀惟張文定楊正倫鄭文寶皆爲知音所賞

寒食訪僧

客舍

一作去

愁經百五春雨餘溪寺綠無塵金花何

一作

開

處鞦韆鼓粉頰

一作鎖

誰家鬪草人水上碧桃流片

段梁間歸

一作新

燕語逡巡高僧不飲客携酒來勸先

朝放逐臣

郢城新亭

每到新亭卽厭歸野香經雨長松圍四簷山色消繁

暑一局棋聲下翠微  
冰片角巾簪澗月  
錦文卷石砌苔磯  
近來學得籠中鶴  
迴避流鶯笑不飛

俱玉壺野史

題緱氏山

案一作題王子晉祠

秋陰漠漠秋雲輕  
緱氏山頭月正明  
帝子西飛仙馭遠  
不知何處夜吹笙

玉壺野史

西清詩話云緱氏王子晉昇僊之地有祠在焉鄭工部文寶題一絕云云晏元獻守洛過見之取白樂天語書其後云此詩在在有神物護持

闕題

亭亭畫檻繫春

一作寒

潭直到

一作只待

行人酒半酣  
不管

煙波與風雨  
載將離恨過江南

一夜西風旅雁秋  
背身調絃索征裘  
關山落盡黃榆葉  
駐馬誰家唱石州

江雲薄薄日斜暉  
江館蕭條獨掩扉  
梁燕不知人事改  
雨中猶作一雙飛

俱蔡寬夫詩話

句

百草千花路斜風  
細雨天<sub>刻居</sub>過關已躍櫓  
蒲馬誤喘

猶驚顧兔奔<sub>重經</sub>星沈會節歌  
鐘早天半上陽煙樹

微<sub>洛城</sub>越絕曉殘蜩  
蜨夢單于秋引畫龍聲<sub>贈張靈川</sub>杜曲

花香<sub>一作光</sub>濃似酒灞陵  
春色老於人<sub>長安</sub>滿帆西日

催行客一夜東風落楚梅<sub>送人歸湘中</sub>失意慣中遷客酒



多年不見侍臣花舊井霜飄仙界橘雙溪時落海邊

鷗栖靈承露氣清駒送日觚稜人靜鳥呼風永熙陵碧

落春風老朱陵古渡頭送人知韶州髯間相似雪峯外寂

寥煙邊上楊文公談苑

沙暖鳬驚行哺子溪深桃李卧開花裴晉公綠野堂

六一詩話云此一聯最爲警絕不減王維李杜也

案蔡寬夫詩話云歐陽文忠公稱仲賢張僕射園中一聯以爲集中少比其詩水暖云云

李巽

巽字仲權光澤人太平興國八年進士官江

西提刑案宋詩紀事作仕至度支部郎中兩浙轉運使

登第吟

案一作登第遺鄉人

當年蹤迹困埃塵不意乘時亦化鱗爲報鄉閭親戚道如今席帽已離身

案青箱雜記云累舉不第爲鄉人所侮曰李秀才應舉空去空回席帽甚時得離身至是乃遺鄉人云云蓋國初猶襲唐風士子皆曳袍重戴出則以席帽自隨

楊億

億字大年浦城人雍熙初年十一月召試詩賦授秘書省正字淳化中命試翰林賜進士第眞宗朝厯官知制誥天禧中拜工部侍郎翰林學士兼史館修撰卒贈禮部尙書諡曰

# 文有武夷新集

儒林公議云億在兩禁變文章之體劉筠錢惟演輩皆從而效之時號楊劉三公以新詩更相屬和極一時之麗億復編敘之題曰西崑耐唱集當時俳薄者謂之西崑體其他賦頌章奏雖頗傷于雕摘然五代以來蕪鄙之氣由茲盡矣陳從易頗好古深擯億之文章億亦陋之天禧中從易試別頭進策問時文之弊曰或下里如會粹或叢脞如急就億黨見者深嫉之

丹陽集云咸平景德中錢惟演劉筠首變詩格楊文公與之鼎立號江東三虎謂之西崑體大率效李義山之爲豐富藻麗不作枯瘠

語

古今詩話云楊大年錢文禧晏元獻劉子儀爲詩皆宗義山號西崑體後進效之多竊取義山語嘗御賜百官宴優人有裝爲義山者衣服敗裂告人曰爲諸館職擄擄至此聞者大爆然大年咏漢武詩云力通青海求龍種

死諱文成食馬肝待詔先生齒編貝忍令乞  
米向長安義山不能過也

詩林廣記云三朝正史云億祖文逸爲僞唐  
玉山令億將生文逸夢一道士自稱懷玉山  
人未幾億生有紫毛被體七尺餘經月乃落

霜月 西崑酬唱集

月夕露爲霜心知厭燭房吟殘猶擁鼻望極自同腸  
髣減前秋綠衣消外國香星津誰待報織素未成章

武夷山 武夷新集

靈嶽標真牒孤峰入紫氛藤蘿暗仙穴猿鳥駭人羣  
古道千年在懸流萬壑分漢壇秋蘚馱誰似武夷君

昇仙寺 建甯府志

層巒連近郭占勝有招提宿霧昏金像飛泉濺石梯

鐘聲空谷

一作郭

答塔影亂雲齊千騎時來此尋幽獨

杖藜

偶書

朱輪遠守詎成歡薄宦令人意漸闌郡閣政清慵按  
吏鄉關路近易休官梅花繞檻驚春早布水當簷覺  
夏寒已是三年不聞問何如歸去把漁竿

武夷新集

留題黃山院

禾黍離離一徑通遊人攬轡卽過從趁齋幽鳥聞疎  
磬出定高僧見偃松夜半龕燈疑古殿雨餘巖溜迸

前峰昔年曾此題名處素壁欹斜翠蘚重

武夷新集

遊王氏東園

名園聊得拂塵衣深入春叢一逕微  
萬樹未饒金谷富百畦猶有漢陰機  
青蘋風暖天籟出文杏巢乾海燕歸  
向晚鳴騶九門路柳堤回首獨依依

漢武

蓬萊銀闕浪漫漫弱水回風欲到難  
光照竹宮勞夜拜露溥金掌費朝餐  
力通青海求龍種死諱文成食馬肝  
待詔先生齒編貝那教索米向長安

無題

合歡蠲忿亦休論夢魃翩翩逐怨魂祇待傾城終未  
笑不曾亡國自無言風翻林葉迷歸燕露裊荷池觸  
戲鴛湘水東流何日竭煙篁千古見啼痕

淚

錦字梭停掩夜機白頭吟苦怨新知誰聞隴水回腸  
後更聽巴猿拭袂時漢殿微涼金屋閉魏宮清曉玉  
壺欹多情不待悲秋意祇是傷春髻已絲

洞戶

洞戶飛甍接綺寮一春幽恨寄蘭苕書題在是藏三  
歲壺矢誰同賽百驍水國風霜凋社橘仙山雲霧隔

江湖東城劍騎何曾出只爲離愁髀肉銷

劉校理屬疾

北窗風勁雪雲繁移疾端居避世喧  
載酒誰過楊子宅張羅休署翟公門  
多才最許飄飄氣少別還銷黯黯魂  
促爾徘徊憶真賞遠天新月照黃昏

懷舊居

武夷山穴近吾廬鬪鳴欄摧菌閣虛  
千匹歲儲妨種橘百金春事廢觀魚  
北山煙霧迷歸轍南陌風塵化客裾  
堂上金絲應已歇豈惟蘭菊舊叢疎

因人話建溪舊居



聽話吾廬憶翠微石層懸瀑濺巖扉風和林籟披襟  
久月射溪光擊汰歸霜晚荒涼迷草帶雨墻陰濕長  
苔衣終年已結南枝戀更羨高鴻避弋飛

以上皆西  
崑酬唱集

宣召赴龍圖閣觀太宗御書應制

五年十月

非煙蔥蔚蒼龍闕紫府深沈大帝居羣玉中天開策  
府神龜溫洛薦圖書珠宮岑寂經行處金簡熒煌拭  
目初曾是先朝受恩者因探禹穴涕漣如

坐中朱博士言今荆南張諫議典襄陽日常留  
意一妓公頗畏內終不得近及移郡荆渚泣  
別郵亭乃爲歌詞流布巴郢予感其事賡而

成詩

駸駸五馬江陵去寂寂雙娥漢水頭一曲歌終眉黛  
歛十分酒盡淚珠流陽春郢客傳新唱暮雨高唐夢  
昔遊瓊樹無人敢親近章臺京兆不勝愁

武夷新集

夜懷

獨倚青桐聽鼓聲參旗厯落上三更涼風卷雨忽中  
斷明月背雲還倒行賴有清吟消意馬豈無美酒破  
愁城是非人世何須較方外吾師阮步兵

詩林萬選

成都

五丁力盡蜀川道千古成都綠酎濃白帝倉空蛙在

井青天路險劍爲鋒漫傳西漢祠神馬已見南陽起  
卧龍張載勒銘堪作戒莫矜函谷一九封

梨

繁花如雪早傷春千樹封侯未是貧漢苑漫傳盧橘  
賦驪山誰識荔支塵九秋青女霜添味五夜方諸月  
溜津楚客狂醒朝已解水風猶自獵汀蘋

咏傀儡

鮑老當筵笑郭郎笑他舞袖太郎當若教鮑老當筵  
舞轉更郎當舞袖長

後山詩話

貽館閣

補

聞帶宮花滿髻紅上林絃管侍重瞳蓬萊咫尺無由  
到始信仙凡迥不同

澠水燕談云楊文公初爲光祿丞太宗頗愛其才一日後苑賞花釣魚宴詞臣不得與以詩貽諸館閣云云諸公以詩進呈上詔所以不召以未貼職例不得與卽命直史院免朝令預晚宴時以爲榮

贈張季常補

疊嶽參差翠繞門雕梁賀燕自成羣割雞日夕期佳  
客種竹寒暄對此君且向東皋輸黍稷便應北闕降  
玄纁子眞漫說耕巖石不奈聲名四遠聞

萬姓統譜云季常名彝憲三與計偕不利絕意功名放懷林壑與文公世親文公自括蒼

解印趨朝兩造其居贈之詩云云

句補

關榆漸落邊鴻度勸到劉郎酒十分

送劉綜學士出鎮非門詩話

總龜

錢熙

熙字大雅南安人中雍熙二年進士仕殿中丞直史館坐累出判朗州至道間加右司諫有集

聞書云熙常獻四夷來王賦萬餘言太宗奇之又嘗撰三酌酸文世稱精絕畧曰渭川凝碧早拋釣月之流高嶺排青不逐眠雲之客又日年年落第春風徒泣于遷鶯處處羈遊

夜雨空悲於斷雁其卒也鄉人李慶孫哭之  
日四夷妙賦無人誦三酌酸文舉世傳案亦  
見十國春秋娛書堂詩話

### 九日溪偶成

漁家深處住鷗鷺泊柴扉雨過莎迷徑潮來風滿衣  
岸幽分遠景波冷漾晴暉卻憶曾遊賞嚴陵有舊磯

清源  
文獻

### 雞冠花

亭亭高出竹籬間露滴風吹血未乾學得京城梳洗

樣舊羅包卻綠雲鬢

全芳  
備祖

句

鶴歸已改新城郭牛卧重尋舊墓田

送人金陵拜掃  
皇朝類苑

陳世卿

世卿字光遠沙縣人登雍熙二年進士第真

宗朝官至荆湖北路轉運使以秘書少監知

廣州

思古堂

思古堂前酒一尊共談時事出孤村臨期上馬無他

囑多買詩書教子孫

延平府志

吳簡言

補

簡言字若訥長汀人端拱二年進士累官祠

部郎中

題巫山神女廟

悵悵巫娥事不平當時一夢是虛成只因宋玉閑唇  
吻流盡巴江洗不清

汀州府志云是夕夢神女來見日君詩雅正  
當以順風相謝明日解纜果然

陳從易補

從易字簡夫晉江人端拱二年進士歷秘書  
省著作郎直史館知廣州仁宗朝擢知制誥  
除龍圖閣直學士知杭州有泉山集

小孤山



山稱孤獨字唐堦女郎形過客雖知誤行人但乞靈

春明退朝錄

句

千重浪裏平安過百尺竿頭穩下來

王文穆罷相蔡寬夫詩史

黃震補

震字伯起浦城人端拱二年進士官至廣東

轉運使宋史有傳

送張無夢歸天台

想別岐周不記年丹丘高卧好林泉飛名已出紅塵外放迹纔辭紫殿前虛室先輸君靜坐野雲終俟我

閒眠長歌宸翰眞皇賜袖去須知世世傳

天台續集

曾 會

會字宗元晉江人端拱二年進士第二由光祿寺丞知宣州符祥末爲兩浙轉運使仁宗朝以刑部郎中集賢殿修撰知明州

擣砧詞

案此詩中吳紀聞作龔宗元

星旂耿耿寒煙浮白龍衝月臨霜樓誰家砧弄細腰杵一聲擣破江城秋雙桐老翠墜金井高低冷逐西風緊靜如秋籟暗穿雲天半驚鴻斷斜影哀音散落愁人耳何處離情先喚起長信宮中葉滿堦洞庭湖

上波平水萬里征夫眠未成搖風擣月何丁丁楚關  
秦嶺有歸客一枕夜長無限情

吳氏詩永

重登蕭相樓

不見當年李翰林江天爲我結層陰九華門外柳三  
尺蕭相樓前松十尋物在人亡空有淚時殊事變獨  
傷心隻雞斗酒江干市白首風前些楚吟

池州府志

黃宗旦補

宗旦字叔才惠安人咸平元年進士累官知

蘇州終于工部郎中知襄州有集十卷

送僧歸護國寺

一餅一鉢是生涯來扣樞扉帶礪家寵服降從丹鳳  
闕禪房歸掩赤城霞五芝巖下傳心印八桂峯前散  
雨花還伴白雲重到此看看恩館築堤沙

天台續集

李慶孫

補

慶孫惠安人咸平元年進士官水部郎

句

軸裝曲譜泥金字樹記花名玉篆牌

韻語陽秋云晏元獻云太乞兒相若諳富貴者不爾也

方慎言

慎言字應之莆田人咸平三年進士歷知泉

州潭州入爲諫議大夫知廣州贈開府儀同

三司

蘭陔詩話云應之知泉州有惠政泉人德之  
生子者多以方見名著有類詩五卷今已散  
佚僅存此作

題靈巖弄月池

偶宿天台白石房夜深清話月移光宦遊難作重來

約一枕泉聲老不忘

案末二句見  
蒲陽比事

章得象

補

得象字希言浦城人咸平五年進士累遷兵

部郎中知制誥翰林學士寶元初拜同中書

門下平章事集賢殿大學士慶厯中拜鎮安  
軍節度使封郇國公徙判河南府守司空卒  
贈太尉兼侍中諡文憲改諡文簡

巾子山翠微閣

在台州

步步雲梯徹上層回頭自覺欲飛騰  
頻來不是塵中客久住偏宜物外僧  
下寺鐘聲沈地底前峯塔影落  
堦棱凭闌未盡吟詩興卻擬乘閑更一登

赤城志

玉光亭

在玉山縣

千層懷玉對軒窗池上新亭號玉光  
祗此便堪爲吏隱神仙官職水雲鄉

方輿勝覽

峽山飛來寺

澄江詰曲峽中天遠使歸時駐畫船久別忽經星一  
紀暫來纔見月三弦勞生草草真徒爾陳迹依依亦  
愴然回首越城何處是山南渺莽只雲煙

廣東通志

翁緯

緯字未詳莆田人景德二年進士官新會知

縣

使華亭

走青奔碧月潺湲勢與晴江遠接連沙草翠侵驅馬  
路岸花紅濕釣魚船煙生遠店收寒雨風起高梧咽

暮蟬徐氏舊居人識否渡南溪下白雲邊

黃覺補

覺字民先浦城人景德二年進士爲殿中丞

送梅昌言出鎮太原

五馬雍容出鎮時都人爭看好風儀文章一代喧高  
價忠直三朝受聖知帳下軍容生劍戟門前行色擁  
旌旗雲籠古戍黃榆暗雪滿長郊白草衰出去暫開  
貔虎幕歸來須占鳳皇池髣髴間未有一莖白陶鑄蒼  
生固不遲

翠屏筆談云梅雅自修飾容儀偉如得詩大  
喜



江任補

任建陽人景德二年進士官秘閣校理知秦州

句

珠盤臨路泣斗印入鄉提

送人皇朝類苑

曹修古補

修古字述之建安人大中祥符元年進士官  
監察御史天聖初抗疏忤旨出知興化軍卒  
贈右諫議大夫

池上

荷葉罩芙蓉  
員香映嫩紅  
佳人南陌上  
翠蓋立春風

青箱

雜記

題清心堂

在興化軍治詩刻於壁

天府鞠囚三節日  
霜臺待漏五更時  
薰風一覺清涼

睡莫問浮名高與卑

興化府志

曹修睦

補

修睦修古弟  
大中祥符元年進士官司封員

外郎分司南京致仕

贈仁曉禪師竹簟

翠筠織簟寄禪齋  
半夜秋從枕底來  
若也此時人問

道涼天捲卻暑天開

青箱雜記

章

旆

一作張姓

補

旆字未詳建安人大中祥符五年進士官桂

陽判官

句

官中逐月催租稅不征穀帛只征銀

烹丁歌輿地紀勝

林緒

緒字孝先號惕山莆田人大中祥符七年徵

辟授將仕郎興化軍教授

蘭陵詩話云惕山志尚高潔慕嚴子陵陶靖節之爲人杜門避世窮索古典脫屣于功名

之途詩特寄興耳

閒居

宿草江邊閣臨流發嘯歌所歡得病少豈在蓄書多  
生子能無貴居身不可過苟圖銷旦夕青鸞長如何

黃

鑑補

鑑字唐卿浦城人大中祥符八年進士累遷  
太常博士爲國史院編修官出倅蘇州有楊  
文公談苑楊公筆苑句圖、

送李殿省赴任常熟

卽都尉元昆

吳山紫翠倚晴空潘令風流向此中雨飽公田方稼

稔春生香徑雜葩紅綵艫銜尾麥波駛頰鯉駢頭薦  
俎豐玉季情深重睽索南雲延脰接飛鴻

吳都  
文粹

劉夔補

夔字道元崇安人擢祥符八年進士由屯田  
員外郎權侍御史厯官江浙淮南轉運使知  
陝州廣州有廉名帥湖南平桂陽寇京東盜  
起又知鄆州發廩賑貸盜以衰息後知福州  
改建州尋以戶部侍郎致仕英宗立遷吏部  
卒著有文選筆粹晉書指掌春秋褒貶志武  
夷山志

清隱巖

地迥隔塵寰石門雲閉關幽人澹無事白鶴相往還

武夷山志

徐

陟補

陟字公用浦城人博學強記日誦萬言年未冠挾所爲文入京師見孫何何歎賞勉試制科上其奏議五十卷召試會有家難不赴丁謂當國陟不肯見作詩寄意後擢祥符進士以朝奉郎判永州嘗作白馬謠數百言勵守邊者

句

君恩山嶽重汝命羽毛輕

白馬謠  
建甯府志

蘇

紳補

紳字儀父晉江人天禧三年進士仁宗朝累  
官史館修撰擢知制誥翰林侍讀學士集賢  
殿修撰出知河陽卒

金山寺

九派江流涌化城登臨潛覺骨毛清僧依玉鑑光中  
住人踏金鼇背上行鍾阜雲開春雨霽海門雷吼夜  
潮生因思絕頂高秋夜四面雲濤浸月明

鎮江府志

林 垌補

垌羅源人真宗朝特奏名有南華集

詠瑞檜

古殿當年欲葺時  
槎牙高檜礙簷榱  
人間斤斧難容手  
天上風雷爲轉枝  
煙色併來春益重  
月華饒得夜相宜  
吾皇一駐鑾輿賞  
從此聲名四海知

陳郁話腴云真廟寢殿側有古檜秀茂不羣名御愛檜然橫礙殿簷真皇意欲去之一夕風雷轉摺其枝因以爲瑞題詠者多唯羅源林垌唐律稱旨賜號南華翁詩名由此大顯



馬詩錄丙集卷一終